

Transkription von Urkunde SAW 1455a

Ort, Datierung: Salzwedel, 1455-04-07

Signatur: Stadtarchiv Salzwedel, 255/13

Inhalt: Rat der Stadt Salzwedel: Rentenbeleg

Wie Ermbrecht Schernecouw . Kersten boddenstede Tide Hanns wolters Borchard boden Otto
fintzelbergh . Tide Brunow Hanns wopelde / werner ¹ wittekopp Tide Boeck Hoyer ¹ berteldes Steffen
Schulten Didrick lagendorppe . Mente von gawell lamberd boden Hen(n)ingk cramer Hanns / brunow
Hanns rodensee vnd Claws moller . Radmanne to Soltwedell . Bekennen apembar mit dissem briue vor
alszwem(e) Dat wie mit rade vnde . / fulbord alle vnnser medeku(m)pan(en) des rades old vnd(e)
Jungk . rechte vnd redelken to eynem(e) r(e)chten erffkope v(er)kofft hebben v(er)koepen ock in crafft
vnde / macht disses briues ¹ den vorsichtigen ¹ Kersten Schulten vnd Hanns bücstede(n) vnnsen
medeborg(ere)n vorstender(e)n vnnser ¹ liuen frowen kerken In der olden / Stad Soltwedell vnd(e) eren
nachkomen(en) teyn margk pen(n)inge vnnsir ¹ Stad weringe . Jarliker rente(n) In den tinszen renten
vnd(e) guder(e)n vnnser / olden Stad Soltwedell vor twehundert margk ¹ pe(n)ninge der g(e)n(a)nte(n)
weringe . de vnns de genomden vorstender woll v(or)nuget vnd(e) betalet vnd wie / ford In vnnser Stad
nütt vnd(e) frome(n) gekard vnd(e) gewand hebben(e) Sodann(e) teyn margk pen(n)inge Jarliker
rente(n) scholen vnd willen wie vnd vnnse nach/komen den g(e)n(a)nten vorstender(e)n vnd eren
nakomer(e)n alle Jar to vier tiden des Jar(e)s also to Sunte Jo(an)nis baptisten dage to Sunte michaelis
dage / to wýnachten vnd to paschen to isliker tijd bij twen pund pe(n)ninge(n) entrichten vnd(e)
Betalen sunder vortoch vnd(e) wedd(er)sprake . Jodoch hebben wie / beholden den wedderkoep
sodan(e) teyn margk pe(n)ninge Jarliker renten Also wenne(n) wie edder vnnse nachkome(n) den
vorschre(uene)n vorstender(e)n / edder er(e)n nachkome(n) sodann(e) twehundert margk houetstuls
mit den nastellige(n) vmbetalen tinszen entrichtet vnd betalet hebben also denn(e) / scholen vnns
vnd(e) vnnsen nachkomen(en) sodann(e) teynmargk ¹ Jarliker tinsze wedder qwijd vnd fri vnd(e) disse
briff machteloosz wesen To / orkunde hebben wie Radmann(e) obg(e)n(a)nt vnnse der olden Stad
Ing(esegel) witliken an dissen briff late(n) henge(n) Na (cristi) vnns(es) her(e)n gebord /
virteynhundert Jar dar ¹ na Im(e) viffvndevefftigsten Jar(e) Am(e) Mandage Im(e) Hilligen paschen(e) /

¹ **r** mit übergeschriebenem Punkt (bei mehreren **r** jeweils das letzte)